

Sindaun

Jukuman täga mebäri mebäri

Sindaun 8:22-31

Imaka imaka nämo ahäjirä nadäk-nadäk tägatä intäjukun ahäjuk

8

²² ^a Yäput peŋpäŋ Yawetä imaka kuduptagän nämo ahäjirä näk jukun täŋpäŋ nepmaŋkuk.

²³ ^b Bianiinik, kome ba imaka kubä nämo peŋkaŋjä näk jukun iwoyäŋpäŋ nepmaŋkuk.

²⁴ Gwägu pähap ba ume dapuri kubä nämo ahäjirä näk jukun täŋpäŋ nepmaŋkuk.

²⁵⁻²⁶ Pom taŋi ba täpuri bägupiken nämo irirä näk bäyaŋpäŋ nepmaŋkuk. Bureni, näk jukun nepmaŋkaŋ mädenaken kome ba äwan täŋpäŋ peŋkuk.

²⁷ Ba kadäni kunum kenta kome yäpurärätpäŋ yepmaŋkuko u näk imaka irira täŋkuk.

²⁸ Täŋpäkaŋ gubam komeniken punin yepmaŋpäŋ kome terak ume dapuri täwit-pewän umetä äbäŋpäŋ kome tokŋeŋ moreŋkuko uken imaka, näk uku itkut.

²⁹ Näk ahäjukuro irira kometä itta bagani peŋ imiŋkuk, ba gwägutä бага peŋ imani nämo irepmirekta yäntäreŋ imiŋkuk.

³⁰ ^c Täŋpäkaŋ näk kadäni kadäni Anutu dubiniken epän täŋo watä äma ude oretoret terak itkaŋ bänep täga nadäŋ imiŋjira täga nadäŋ namiŋkuk.

³¹ Bureni, kome päke u täŋpäŋ peŋkuko unita oretoret täŋkut, ba ämawebe täŋpäŋ yepmaŋkuko unita udegän gäripi nadäŋkut.

^a 8:22 Rev 3:14 ^b 8:23-29 Jon 17:24; Efe 1:10-11 ^c 8:30 Mat 17:5; Jon 1:1-3,18

*Sindaun 9:1-12***Nadäk-nadäk tägatä ämawebeta gera yäyak**

- 9** ¹ Nadäk siwoŋi tägatä bek kehäromi 7 ude painpän uterak yori säkgämän tänpän penjuk.
- ² Ude tänpän tom dämpänpän ijinjit wain ume tänpewän gäripi niked ahäwänkaŋ ketem nakta täntuŋum taŋkuk.
- ³ Ude tänpän epän watä webeniye yäwet-pewän pänku yotpärare bämopiken gera ŋode yänkuŋ;
- ⁴ Oi, ämawebe nadäk-nadäkjin siwoŋi kubägan nämo, in näkä yotken äbut.
- ⁵ ^d Äbänkaŋ ketem ume säkgämän näkä täntuŋum täyat u nanput!
- ⁶ Täŋguŋguŋ kädetjin u penpän irit täga kaŋ yäput. Täŋkaŋ nadäk-nadäk täga täŋo kädet kaŋ iwarut.

Äma mebäri yarä täŋo man

- ⁷ Äma inita nadänjirän ärowani täŋpani yäpi siwoŋtäwa yänpän man yäweno uwä ganiŋ wärärek. U udegän, äma waki kubä ibeweno uwä nägät gurek.
- ⁸ Unita äma inita nadänjirän ärowani täŋpani yäpi siwoŋtak man nämo iweren. U imata, äma uwä Gäka gaŋani nadän gamek. Täŋ äma nadäk-nadäki täga kubä yäpi siwoŋtak man iwereno uwä Gäka nadän gamikinik täŋpek.
- ⁹ Äma nadäk-nadäk täga niked yäwetpän yäwoŋärek täŋpeno uwä nadäk-nadäki yäpurärätpän nadäk-nadäk säkgämän ikek irek.
Bureni, Gäk äma siwoŋi kubäta nadäk imeno uwä nadäk-nadäki yäpurärätpän ätukät yäpek.
- ¹⁰ ^e Nadäkaŋ? Nadäk-nadäk täga niked irayän nadänpänjä eruk Yawe u umuri yän nadänpän Gämoriken kuŋaren.
Bureni, nadäk-nadäk täga yäpayän nadänpänjä Kudupi Äma unitäŋo mebäri nadäkta piäni täŋpen.
- ¹¹ Nadäk-nadäk täga unitä täŋkentän gaminjirän kadäni käroŋi api it yäpmän ärowen.
- ¹² Täŋpäkaŋ nadäk-nadäk täga udewani niked itpän kuŋareno uwä nadäk-nadäk unitä api täŋkentän gamek. Täŋ yänjärok man yänpän kuŋarani ude ireno uwä Gäkŋa täŋpi wanen.

^d 9:5 Sam 22:26,29; Ais 55:1-3; Jon 6:27 ^e 9:10 Sam 111:10; Mat 11:27; Jon 17:3; 1Jo 5:20

*Sindaun 25:6-7***Gupjin jop nämo yäpmäj äronen**

25 ^{6f} Gäk intäjukun äma ijamiken gup yäpmäj ärokärok nämo täppen. Ba gäkjata näk äma ekäni itat yäj jop nämo nadäwen.
^{7g} Ude täppeno uwä intäjukun ämatä äma ekäni kubä ijamiken mäyäk man gäwerekta.
 Täj kädet tægawä ñode; Gäkjawä äpani ude iriri intäjukun ämatä ini dubiniken itta gämagureko u uyaku tægawek.

^f 25:6 Sam 131:1 ^g 25:7 Luk 14:8-10, 18:14; 1Pi 5:5